

Broj: 02C-2825-10/25

Datum: 09.04.2025. godine

Na osnovu člana 64. stav 1. tačka b), člana 70. stavovi 1., 3. i 6. Zakona o javnim nabavkama (Sl. Glasnik BiH broj: 39/14, 59/22 i 50/24), člana 8. stav 2. tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14 i 49/23), i člana 27. Statuta Javne ustanove Opća bolnica „Prim. dr. Abdulah Nakaš“, na Preporuku Komisije za nabavku broj 02C-2825-8/25 od 07.04.2025. godine, u postupku javne nabavke roba **Laparoskopski stub za hirurgiju, JN 12/25**, direktor Javne ustanove Opća bolnica „Prim. dr. Abdulah Nakaš“, je donio

ODLUKU **o izboru najpovoljnijeg ponuđača**

Član 1.

Prihvata se Preporuka Komisije za nabavku, broj 02C-2825-8/25 od 07.04.2025. godine za javnu nabavku roba – **Laparoskopski stub za hirurgiju**, te se Ugovor za nabavku roba dodjeljuje ponuđaču „SEDŽAN-INŽINJERING“ d.o.o. Sarajevo za ponuđenu cijenu od 305.242,00 KM bez uračunatog PDV-a, odnosno 357.133,14 KM sa uračunatim PDV-om kao jedinom prihvatljivom ponuđaču.

Član 2.

Postupak iz člana 1. ove Odluke proveden je metodom „otvoreni postupak za dostavu ponuda“, te je nakon otvaranja ponuda trebala biti provedena provedena „E-aukcija“, a za izbor najpovoljnijeg ponuđača korišten je kriterij „najniža cijena“. Ugovorni organ je u Tenderskoj dokumentaciji predvidio provođenje E-aukcije.

Član 3.

Nakon prijema i evaluacije ponuda konstatovano je da je ponudu za predmetnu nabavku dostavio 1 (jedan) kvalifikovani ponuđač i to „SEDŽAN-INŽINJERING“ d.o.o. Sarajevo. U skladu sa članom 3.stav (3) Pravilnika o uslovima i načinu korištenja E-aukcije („Službeni glasnik BiH“ broj 80/23) u slučaju prijema jedne prihvatljive ponude E-aukcija se ne može zakazati, nego se postupak okončava u skladu sa članom 69.Zakona o javnim nabavkama („Službeni glasnik BiH“ broj 39/14, 59/22 i 50/24). Nakon prijema i evaluacije ponuda konstatovano je da je ponudu za predmetnu nabavku dostavio 1 (jedan) nekvalifikovani ponuđač i to „MSG“ d.o.o. Tuzla.

Član 4.

Izabrani ponuđač „SEDŽAN-INŽINJERING“ d.o.o. Sarajevo oslobađa se dostave originala ili ovjerenih kopija dokumentacije iz člana 45. i 47. Zakona o javnim nabavkama, obzirom da je dostavio uz ponudu.

Član 5.

Prijedlog Ugovra o nabavci dostavit će se na potpis izabranom ponuđaču nakon isteka roka za žalbu, a najkasnije u roku od petnaest (15) dana, računajući od dana prijema Odluke ugovornog organa o izboru najpovoljnijeg ponuđača.

Član 6.

Ova Odluka objaviće se na internet stranici Javne ustanove Opća bolnica „Prim. dr. Abdulah Nakaš“ (www.obs.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav. 2 i 6. i članom 71. stav 2. Zakona o javnim nabavkama („Službeni glasnik BiH“ broj 39/14 i 59/22, 50/24).

Obrazloženje

Postupak javne nabavke pokrenut je Odlukom o pokretanju postupka javne nabavke broj 02C-2825-1/25 od 28.02.2025. godine.

Javna nabavka je sprovedena putem otvorenog postupka JN 12/25.

Procijenjena vrijednost javne nabavke bez PDV-a je 321.000,00 KM.

Obavještenje o nabavci broj: 1125-1-1-74-3-178/25, objavljeno je na Portalu javnih nabavki dana 14.03.2025.godine, a u Službenom glasniku broj 17/25 dana 21.03.2025.godine.

Komisija za nabavku, imenovana je Rješenjem broj: 02C-2825-2/25 od 28.02.2025. godine.

Komisija za javnu nabavku u predmetnom postupku javne nabavke roba, dostavila je direktoru Javne ustanove Opća bolnica „Prim. dr. Abdulah Nakaš“, Zapisnik o pregledu i ocjeni ponuda broj 02C-2825-7/25 od 07.04.2025.godine, Preporuku o izbori najpovoljnijeg ponuđača broj 02C-2825-8/25 od 07.04.2025.godine, i Izvještaj o radu broj: 02C-2825-9/25 od 07.04.2025. godine.

U postupku po Izvještaju o radu Komisije, utvrđeno je da je Komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno slijedeće:

- da su u predmetnom postupku primljene 2 ponude,
- da su blagovremeno primljene 2 ponude,
- da nije bilo neblagovremeno primljenih ponuda

Analiza ponuda vezano za ispunjenje zahtjeva u pogledu opisa predmeta nabavke i tehničkih specifikacija:

Ponuda Ponuđača „SEDŽAN-INŽINJERING“ d.o.o. Sarajevo, ispunjava sve tražene uslove u pogledu opisa predmeta nabavke i tehničke specifikacije za predmetnu nabavku.

- Naziv i sjedište ponuđača koji se isključuju zbog neispunjavanja uslova za kvalifikaciju, te obrazloženje razloga njihovog isključenja, za svakog ponuđača posebno:

Ponuda ponuđača **MSG d.o.o. Tuzla** odbacuje se kao nepravilna u skladu sa odredbama člana 68 stav 4) tačka i), jer ista nije u skladu sa tenderskom dokumentacijom.

Naime, uvidom u dostavljeni Ponudu, Ugovorni organ je utvrdio da je Ponuđač u svojoj ponudi u Aneksu 2.1. ponudio robu sa odstupanjima kako slijedi :

Za tačku 1. KOLICA ZA POSTAVU ENDOSKOPSKE OPREME

- Za stavku 1.9 Ponuđač je ponudio Roatciono 180 stepeni u odnosu na kolica, dok je tenderskom dokumentacijom traženo Rotaciono 360° u odnosu na kolica

Za tačku 2. 4K UHD MEDICINSKI LCD MONITOR minimalno 32"

- Za stavku 2.12 Ugovorni organ je naveo da traži Kompatibilan sa postojećim procesorom na odjelu hirurgije, dok Ponuđač u ponudi nudi novi procesor VEQTRON ONE 4K od proizvođača Amnotech

Za tačku 3. NAPREDNI UHD 4 K PROCESOR KAMERE

- Za stavku 3.3 Tenderskom dokumentacijom je tražen Ulaz: 350 VA, dok Ponuđač nudi 40-45V
- Za stavku 3.4 Tenderskom dokumentacijom tražene su Dimenzije (ŠxVxD): maks. 390x160x506 mm; odstupanje $\pm 5\%$, a Ponuđač nudi od 300x85x365mm
- Za stavku 3.21 Tenderskom dokumentacijom je traženo Mogućnost memoriranja postavki za min. 10 korisnika, dok je u Ponudi navedeno da je moguće memorisanje do 5 korisnika

Za tačku 4. UHD 4K GLAVA KAMERE SA INTEGRIRANIM VIDEO ADAPTEROM

- Za stavku 4.9 Tenderskom dokumentacijom je tražena Funkcija auto fokusa na jedan dodir, dok Ponuđač ne nudi traženo, odnosno u ponudi navodi „NE“.
- Za stavku 4.11 Tenderskom dokumentacijom je tražena mogućnost čišćenja i sterilizacije u otopini dezinficijensa / ETO / Sterrad, dok Ponuđač ne nudi traženo, odnosno u ponudi navodi „NE“.
- Za stavku 4.12 Tenderskom dokumentacijom je traženo Kompatibilna sa postojećim procesorom na odjelu hirurgije, dok Ponuđač nudi novi procesor VEQTRON ONE 4K od proizvođača Amnotech

Za tačku 5. KSENONSKI IZVOR SVJETLA 300 W ZA 4K UHD PROMATRANJA

- Za stavku 5.3 Tenderskom dokumentacijom je tražen Ulaz: 500 VA, dok Ponuđač nudi ulaz od 150VA
- Za stavku 5.4. Tenderskom dokumentacijom tražene su Dimenzije (ŠxVxD): maks. 392x163x522 mm; odstupanje $\pm 5\%$, dok je Ponuđač ponudio dimenzije 300x85x365mm
- Za stavku 5.6 Tenderskom dokumentacijom je tražena Ksenon lampa, 300W, dok Ponuđač nudi LED lampu
- Za stavku 5.11 Tenderskom dokumentacijom je tražena Rezervna halogena lampa od 35W prosječnog vijeka trajanja min. 500 sati, dok Ponuđač ne nudi traženo, odnosno u ponudi navodi „NE“.
- Za stavku 5.12 Tenderskom dokumentacijom tražen je Pokazatelj za rezervnu lampu i NBI način (ili odgovarajući način) na prednjem panelu, dok Ponuđač ne nudi traženo, odnosno u ponudi navodi „NE“.
- Za stavku 5.14 Tenderskom dokumentacijom tražena je Automatska ekspozicija u min. 17 stupnjeva, dok Ponuđač ne nudi traženo, odnosno u ponudi navodi „NE“.

Za tačku 8. PUMPA ZA SUKCIJU-IRIGACIJU

- Za stavku 8.10 Tenderskom dokumentacijom tražene su Dimenzije: 210 mm (H) x 148 mm (W) x 260 mm (D); odstupanje $\pm 5\%$, dok Ponuđač nudi dimenzije 360x133x354
- Za stavku 8.11 Tenderskom dokumentacijom je traženo U isporuku uključiti 4 komada višekratnih crijeva za irigaciju, dok Ponuđač ne nudi traženo, odnosno u ponudi navodi „NE“.

Za tačku 9. VISOKOFREKVENTNI ELEKTROHIRURŠKI GENERATOR - PLATFORMA ZA PRIMJENU KOD SVIH KLASIČNIH I ENDOSKOPSKIH ZAHVATA

- Za stavku 9.12 Tenderskom dokumentacijom su tražene Dimenzije (šxdxv): max 371 × 501 × 242 mm; odstupanje $\pm 5\%$, dok Ponuđač nudi dimenzije 380x190x350

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te pregled i ocjenu početne i konačne ponude, u skladu sa kriterijumima iz Tenderske dokumentacije.

U postupku ocjene provedenog postupka, direktor Javne ustanove Opća bolnica „Prim. dr. Abdulah Nakaš“ nije našao razloge, nepravilnosti niti propuste u radu, koji bi eventualno bili osnov za neprihvatanje Preporuke Komisije za nabavku.


Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskim dokumentom.

Iz navedenih razloga, primjenom člana 64. stav 1. tačka b), člana 70. stavovi 1., 3. i 6. Zakona o javnim nabavkama (Sl. Glasnik BiH broj: 39/14, 59/22 i 50/24), člana 8. stav 2. tačke d) i f) Pravilnika o uspostavljanju i radu Komisije za nabavke („Sl. glasnik BiH“ broj: 103/14 i 49/23) i člana 27. Statuta Javne ustanove Opća bolnica „Prim. dr. Abdulah Nakaš“, odlučeno je kao u članu 1. ove Odluke.

POUKA O PRAVNOM LIJEKU: Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu: Javna ustanova Opća bolnica „Prim. dr. Abdulah Nakaš“, Kranjčevićeva broj 12, Sarajevo. Žalba se podnosi u najmanje 3 (tri) primjerka.

Pripremila:
Emina Turković, dipl. inž. ,
Stručni saradnik za javne nabavke

Kontrolisala:
Aldijana Ećo Ajkunić, dipl. inž. , prava,
Šef odsjeka javnih nabavki



DIREKTOR
Prof. dr. Ismet Gavrankapetanović

Dostaviti:

- „SEDŽAN-INŽINJERING“ d.o.o. Sarajevo
Igmanska bb, 71320 Vogošća
- MSG d.o.o. Tuzla
Maršala Tita 109, 75000 Tuzla
- Odsjek za javne nabavke
- Komisiji za javne nabavke
- Odjeljenje za tehničke poslove i investicije
- Odjeljenje za ekonomsko-finansijske poslove